

RESOLUCIÓN REITORAL DE 30 DE MARZO DE 2022 POLA QUE SE ESTABLECE O PROCEDEMENTO PARA A SOLICITUDE DE DETERMINACIÓN DO CARÁCTER SINGULAR DE TITULACIÓNS OFICIAIS DE GRAO E MÁSTER DA UNIVERSIDADE DE VIGO NO SISTEMA UNIVERSITARIO DE GALICIA.

A Secretaría Xeral de Universidades da Consellería de Cultura, Educación e Universidade da Xunta de Galicia ditou a Resolución do 10 de marzo de 2022, pola que se fixan os criterios para a determinación do carácter singular de titulacións oficiais de grao e máster no Sistema universitario de Galicia (https://www.xunta.gal/dog/Publicados/2022/20220321/AnuncioG0598-110322-0001_gl.html).

No punto quinto desta Resolución indícase que as universidades poderán solicitar a determinación do carácter singular das titulacións nas que a a media do alumnado de novo ingreso durante tres cursos consecutivos nunha titulación oficial de grao ou máster universitario sexa inferior aos mínimos exixidos no artigo 6 do Decreto 222/2011, do 2 de decembro, no mes de marzo de cada ano.

Dadas as datas de publicación desta Resolución no DOG, as universidades públicas do Sistema Universitario de Galicia acordaron coa Secretaría Xeral de Universidades ampliar o prazo para realizar a indicada solicitude para o ano 2022 ata o día 8 de abril. Por elo, e en base ao antedito,

ESTA REITORÍA RESOLVE:

Primeiro. Establecer un prazo ata o día 7 de abril para que os centros e comisións académicas de másteres poidan solicitar á Universidade de Vigo a remisión á Secretaría Xeral de Universidades da solicitude de determinación do carácter singular dos títulos oficiais que teñan adscritos.

Segundo. Dita solicitude incluírá, para cada titulación, a listaxe dos criterios que se considera que cumpre esta, de entre os que aparecen na citada Resolución, así como dun texto que xustifique dito cumprimento.

Terceiro. As solicitudes, xunto coa documentación correspondente presentaranse, dentro do prazo establecido no punto primeiro, a través da sede electrónica da Universidade de Vigo no seguinte enderezo <https://sede.uvigo.gal/> mediante unha instancia xenérica SXER, e co asunto “*Solicitude de Singularidade de Titulacións*”, ou de acordo coas restantes formas previstas no artigo 16 da Lei 39/2015.

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación (ou dende o día seguinte ao recibimento da súa notificación), de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución (ou dende o día seguinte ao recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Asinado dixitalmente en Vigo
O reitor,
Por delegación RR 26/05/2020
O vicerreitor de Ordenación Académica e Profesorado

Manuel Ramos Cabrer

